



BOSNIA AND HERCEGOVINA
MINISTRY OF FINANCE
AND TREASURY

CENTRALNA/SREDIŠNJA HARMONIZACIJSKA JEDINICA
ЦЕНТРАЛНА ХАРМОНИЗАЦИЈСКА ЈЕДИНИЦА

Broj: 04-1-16-10-300-1/19
Sarajevo, 14.10.2019. godine

Na osnovu čl. 8. i 18. Zakona o javnim nabavkama Bosne i Hercegovine („Službeni glasnik BiH“, br. 39/14) i člana 7. stav (2) Pravilnika o postupku dodjele ugovora o uslugama iz Aneksa II. Dio B Zakona o javnim nabavkama („Službeni glasnik BiH“, br. 66/16), u ime Koordinacionog odbora Centralnih jedinica za harmonizaciju, direktor Centralne harmonizacijske jedinice Ministarstva finansija i trezora BiH, donosi

ODLUKU
o pokretanju postupka javne nabavke-usluge organizacije Konferencije
„Upravljanje rizicima u javnom sektoru u Bosne i Hercegovini“

Član 1.

Pokreće se postupak za pružanje usluga organizacije Konferencije „Upravljanje rizicima u javnom sektoru u Bosni i Hercegovini“ ispred Koordinacionog odbora Centralnih jedinica za harmonizaciju, a u skladu sa članom 8. i Aneksom II. Dio B. Zakona o javnim nabavkama i Pravilnikom o postupku dodjele ugovora o uslugama iz Aneksa II. Dio B Zakona o javnim nabavkama.

Član 2.

Procijenjena vrijednost predmetne nabavke iznosi 32.500,00 KM bez pripadajućih indirektnih poreza.

Član 3.

- (1) Finansijska sredstva za predmetnu nabavku stavljena su na raspolaganje u budžet Centralne harmonizacijske jedinice Ministarstva finansija i trezora BiH za 2019. godinu-na posebnom projektnom kodu Koordinacioni odbor centralnih jedinica za harmonizaciju - 0407010.
- (2) Sredstva će se isplatiti na osnovu fakture dostavljene od strane dobavljača.
- (3) Troškove predmetne nabavke knjižiti na konto 6139.

Član 4.

Odluka stupa na snagu danom donošenja.

O b r a z l o ž e n j e

Na 5. sjednici Koordinacionog odbora centralnih jedinica za harmonizaciju (KO CJH), održanoj 25.09.2019. godine, zaključeno je da se u periodu 05.-06.12.2019. godine organizuje Konferencija „Upravljanje rizicima u javnom sektoru u Bosni i Hercegovini“ i utvrđen je okvirni broj od 150 učesnika.

Također je zaključeno da ista bude održana u Neumu radi dostupnosti potrebnih jednokrevetnih kapaciteta za smještaj, kao i zbog potrebe za korištenje velike konferencione sale.

Zadužena je Centralna harmonizacijska jedinica Ministarstva finansija i trezora BiH da u ime KO CJH provodi tehničku realizaciju Konferencije.

Kako je, tokom provjere cijena smještajnih kapaciteta, utvrđeno da su u Neumu, u planiranom periodu, zatvoreni svi veći hotelski kompleksi, dogovoreno je da će Konferencija biti održana u istom periodu u Tesliću.

Obzirom da je procijenjena vrijednost 32.500,00 KM bez PDV-a, Centralna harmonizacijska jedinica Ministarstva finansija i trezora BiH provodi postupak javne nabavke u skladu sa članom 8. Zakona o javnim nabavkama i Pravilnikom o postupku dodjele ugovora o uslugama iz Aneksa II. Dio B Zakona o javnim nabavkama, po posebnom režimu dodjele ugovora o uslugama iz Aneksa II. Dio B. Zakona o javnim nabavkama.

U skladu sa navedenim donosi se Odluka o pokretanju postupka za pružanje usluga organizacije Konferencije „Upravljanje rizicima u javnom sektoru u Bosni i Hercegovini“.

DIREKTOR

Ranko Šakota, s.r.

Dostaviti:

- a/a.